

SARS E KGATHATSEHILE KA DITABA TSWANG DIKHOMESHENENG TSA DIPATLISISO TSE MABAPI LE HO QOBA HO LEFA LEKGETHO

Pretoria, Labone la 24 Pherekong 2019 – Ditshebeletso tsa Lekgetho tsa Afrika Borwa (SARS) di hlokometse ditlaleho tsa bophatlalatsi ba ditaba tse mabapi le ho qoba ho lefa lekgetho tse tswang dikhomesheneng tse fapaneng tsa dipatlisiso tse ntseng di tswela pele.

SARS e kgathatsehile ka mabitso a ba bang ba batho ba kileng ba e sebeletsa a hlahellang moo ho tse mabapi le ho etsa tse fosahetseng mme re batla ho netefaletsa balefalekgetho ba Afrika Borwa le setjhaba ka kakaretso hore tsena tsohle di tla fuputswa ntle le tshabo kapa leeme mme ba molato ba tla tshwarwa.

SARS e lakatsa ho netefaletsa balefalekgetho le setjhaba hore moo ebang melao ya lekgetho e ileng ya tlowa teng, ho tla nkuwa mehato e matla hore ho tle ho ikamahangwe le molao.

Hodima moo, re batla ho toboketsa hore Yuniti ya Ikonomi e seng molaong e sa tswa thehwa e ntse e sebetsa ka thata mme e tla beha tse ntseng di tswela pele leihlo mme e nke mehato e hlokalang moo ho lokelang ho netefatsa boikobelo le melao ya lekgetho.

SARS e boela e hopotsa batho ka Lenaneo la Tshenolo ya Tsohle ka Boithaopo le ntseng le sebetsa moo balefalekgetho ba sa ikobeleng le setjhaba ka kakaretso ba kgothaletswang ho sebedisa motjha ona moo ho lokelang.